

der Bismutisch gang / von dem Wismut / oder von eim fahll / wie das reich geschüb des Jochims tal / d̄z ein schnell vngestüm wasser entblößt hat. Aber doch haben dise / die erstmalen gäng erfunden / jnen nammen / doch mehr den grüben auffgelegt / eintweds einer personē / als des Kaisers Germanici / Apollinis / Jani : oder eines thiers / als des leuwen / bären / widers / küh / oder eines dings das kein läben hatt / als des Sylberen kasten / Ochsenstall: od eines lächerliche / als der Larrenfresser / oder zuletzt / von wegē eines gütē loß zeichen / als die Gaab Gottes. Sölche gwonheiten / die gäng / schächt / stollen zünennen / ist vor zeiten auch im gebrauch gwäsen / als wir auf dem Plinio verstandē / der da schreibt: Es ist ein wunder das noch die schächt durch ganz Hispanien vorzeite von dem Hannibale angefangē / jr nañen so jnen von den erfinderen auffgelegt / erhalten / auf welchem noch hent bey tag Bebelo genandt wirt / der dem Hannibali alle tag dreihundert pfundt geben hatt.

Vom Bergwerk des anderen büchs endt.

H. Georgij Algricole vom Bergwerk / das dritt büch.

GOn nächsten büch hab ich die Bergkleut mitt fürsichtigkeit bericht / vnd von der welung des orts das zügrabē ist / auch des sandts das zü wäschē / des wassers / das zü sieden / vnd darzü dergängen / wie sie außzerichten seyendt / gesagt / vñ hab also das ander büch vollendet. Nun aber komme ich zu dem dritten büch / welches ist von den gängen / klüfften / vnd absetzē des gesteins. Ich hab aber an eim andere ort gsagt / d̄z vnderweile mitt solchen namē / die wasserseigen der erde genandt werden / aber doch offter die ding so in gehessen behalten werden / ich gebrauch jetzunder der anderen bedeutniss / dan ich zeige mitt disen nañen an / alle dise ding / die man auf der erden grebt / welche die erde mitt irem einfang al lenthalben behalt. Erstmalen aber will ich sagen von den gängen welche nach der lenge breite vnd tieffe vnder jnen ein grossen vnderscheidt habē. Dañ ein anderer gang so entblößt ist / vheit vom tach in die tieffe / den man vmb dessen wil len ein gang der in die tieffe felt / zünennen pflegt.

Ein